



Broj: 11/06-34-157-5/20
Sarajevo, 12.3.2020. godine

**SVIM OSNOVNIM ŠKOLAMA
SVIM SREDNJIM ŠKOLAMA**

n/r direktora/ica

PREDMET: Instrukcija o postupanju u izvođenju online nastave – dostavlja se

Poštovani,

Vlada Kantona Sarajevo je donijela Odluku broj 02-04-7374-2/20 od 11.3.2020. godine, kojom se obustavlja redovan nastavni proces, počevši od danas, 12.3.2020.godine, zaključno sa 25.3.2020. godine. Ministarstvo za obrazovanje, nauku i mlade upućuje sve škole da pristupe pripremnim aktivnostima vezanim uz organizaciju online nastave uz pomoć informacijsko-komunikacijske tehnologije kako bi u ovom slučaju epidemiološke situacije, učenicima i nastavnicima osigurali učenje i poučavanje na daljinu.

Za organizaciju online nastave na daljinu potrebno je napraviti tehničke i organizacione pripreme u skladu sa Instrukcijom o postupanju u izvođenju online nastave i Uputstvom Ministarstva od 27.1.2020. godine.

1. Uspostavljanje komunikacijskih kanala

Prioritet je osigurati razmjenu tačnih i cjelovitih informacija i to između ministarstva i direktora škola, između direktora škola i odgojno-obrazovnih radnika i između škole i učenika te roditelja. Potrebno je da škole roditeljima dodatno objasne sve procese i procedure izvođenja nastavnog procesa tokom ovog perioda. Također, potrebna je stalna komunikacija školskih administratora za online nastavu sa nastavnicima i njihova puna podrška i razumijevanje za probleme koji se mogu pojaviti tokom implementacije nastave u tehničkom dijelu.

Ministarstvo će kontinuirano komunicirati sa školama te im dostavljati upute, obavještenja, instrukcije i druge neophodne informacije vezane za neometano odvijanje ovog oblika nastavnog procesa. Školski administratori za online nastavu se za sva pitanja, pomoć i dodatne informacije mogu obratiti Ministarstvu na e-mail onlinepraksa@mon.ks.gov.ba.

2. Praćenje i podrška

Sve obavijesti i dodatne informacije će biti dostavljene svim osnovnim i srednjim školama putem e-maila, te će biti objavljene na službenoj stranici Ministarstva za obrazovanje, nauku i mlade Kantona Sarajevo (www.mon.ks.gov.ba). Škole su dužne da sve obavijesti i informacije objave na svojim web stranicama kako bi iste bile dostupne roditeljima i učenicima.



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića |




Potrebno je da škole za učenike razredne nastave pripreme elektronske materijale kojima će roditelji pristupati putem linka koji će biti dostupan na zvaničnoj stranici škole i da obavijeste roditelje o istom. Ostali razredi u osnovnim i srednjim školama će koristiti aplikacije za kolaboraciju shodno odabranoj platformi. Sve škole koje nemaju uspostavljene platforme potrebno je da se jave Ministarstvu na e-mail: onlinepraksa@mon.ks.gov.ba. Također, preporučuje se da sve škole međusobno sarađuju u cilju razmjene primjera dobre prakse kao i digitalnih sadržaja kako bi online nastava bila što uspješnija.

Ministarstvo je imenovalo Radnu grupu za podršku i nadzor realizacije prakse „Online nastava“ u Kantonu Sarajevo, Tim za podršku i nadzor izrade digitalnog sadržaja za realizaciju prakse „Online nastava“ u osnovnim školama u Kantonu Sarajevo i Tim za podršku i nadzor izrade digitalnog sadržaja za realizaciju prakse „Online nastava“ u srednjim školama u Kantonu Sarajevo koje će biti u stalnoj komunikaciji sa Ministarstvom i pružati podršku svim osnovnim i srednjim školama.

Napominjemo, online nastava se odvija u realnom vremenu u skladu sa mogućnostima i rasporedom časova i shodno dogovoru na nivou škole uz poštivanje NPP-a.

Ministarstvo za obrazovanje, nauku i mlade Kantona Sarajevo će dostaviti dodatne instrukcije za realizaciju online nastave u odgojno-obrazovnim ustanovama za djecu sa poteškoćama u razvoju koje imaju specifičnosti u svom radu.

S poštovanjem,



Dostaviti:

- Naslovu
- a/a



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

